

## Neurriz gain egindako ahalegina

MARTIN UGALDE



**NEURRIAN** da go birtutearen giltzarria. Neurria ematen ez duten ekintzak, porrotean geratzen dira, neurriz gain egiten direnak, soberakin; eta erdigune egoki hori lortzea zein zaila den! Burutazio hau sortu zitzaidan herenegun irratiko mahainguru batetan esaten zirenak entzuten. Gaia, euskara zen, eta norbaitek esan zuen, fede onez noski, herri honetan euskararen alde egiten ari garen lana neurriz gainekoa zela; desproporzionatua, alegia; zeren eta, 500.000 (sic) hitzun dituen alde jarri diren medioak, batetik, eta ardurak eta antsiak, bestetik, gehiegizkoak direla. Hau, ulertuko zuen honez gero edozeinek, PSE-PSOEn argudioa da, baina ez genuen alderdi honetako bategandik entzun!, hau da larria dena, baizik eta euskal eragile ofizial eta ezagun baten ahotik! Pentsatzen jarri ninduen honek, zeren eta gure herrian nabaritzen hasi garen desarme moral a uste baino barrurago sartzen ari zaigula. Euskarak bizi duen larrialdi honetan, bizirik irteeteko behar dituen laguntzak oso urriak direla pentsatzen dugunok ez gabiltza buruz ondo, alarmista batzuk gara!, eta eskola-ikastolaren giroan, EGUNKARIArean, alfabetatze mailan, kaleko mintzairaren eskasi gorriak ez du orain arte lortutakoaren gain arretarik merezi! Bitartean, inguruko erderak lasai doaz aurrera, inertzia hutsez!, ez du inolako bultzadarak behar, eta halere mundu osoa estaliko dituzten satellite bitarteko irratitelerbisioa lortzeko lanetan aurrera doaz... Egoera honetan, geureak egin duela pentsatzea errazago egiten zaigu nahi duguna «neurriz gain» dagoela pentsatzea baino. Halere bada gure kultur eragileen artean alderantziz pentsatzen duenik! Jakin nahi genuke zergatik. Lasaituko ginduzke.

## Kazikada bikaina (izan zitekeena)

EUSEBIO OSA



**MARTXO-AREN** 24a milaka euskaldunen txalozaparrada eguna izan zitekeen. Udaberria ondo hasteko aukera ederra genuen. Muga alternatiba onartuko zen. Azken orduan PNVk atzera jo eta, txaloz gorritu gabe itxi behar izan genituen gure eskuak. Beti PNVren lepotik gaizki esaka ibili gabe, behin bederen txalo jotzeko irrika bizia izan eta, aukera bakarra galdut!

Bai, seguruenik, kazikada zatekeen. Edo, gutxienik, aurrez esandako hitz asko janaz harturiko erabakia, Diputazioko lagun eta sozioak egoera itsusian utziz. Baina ongi etorria, munduan ongi etorritikoz kazikadarak baldin bada. Izan ere, ez zegoen kazikadaren eta demokraziaren artean aukera egiterik, bestaldean ez bait zegoen prozedura demokratikoen defentsarik. Hori gezurra da. Bestaldean zegoena (eta dagoena) ume zitalduen arteko petraleria higuigarriak ziren (dira). Bestaldean hainbeste denboraz pilaturiko kakapilaren usain jasanezina zegoen. Erridikulua. Gauzak tamaina horretara helduz gero, indar gehien duenak mahai gainean ukabildak on bat jo eta kontenplazio gehiagorik gabeko erabakia hartzea da egoera lotsagarritik irteeteko bide bakarra. Ala zer nahi duzue bada, Patagonian ere gure lepotik barre egiten hastea?

Muga den teknikoki ibilbide eta irtenbide egokiena, ekologikoa? Nork daki! Zer axola zaio orain errepidea ala mandabidea izango den! Lotsa galdutxo ez duten herritar gehienek nahi zuten bakarra egoera honi muga jartzea zen. Orain, berriz ere kirats berberarekin segi behar, *sine die*. *Quousque tandem* jarraitu behar duzue gure pazientzia abusatzen? Nolako kazikada bikaina galdut dugun!

## HEMEROTEKA



ASIER / DEIA

### EL DIARIO VASCO

## Bakea, hurbilago

Aukera ezin daiteke aproposagoa izan gauzatzen ari den prozesua azkartzeko. Inolako zalantzarik gabe 'fronte militarra' garaituta eta indarkeriaren jarraipenak horizonte politikoa itxita, garaia da HBn arrazoiaren indarra nagusitzeko eta bakerako bidea laburtzeko. Jadanik ez du batere zentzurik agoni egoera luzatzeak, ezta entzungorrena

egiteak ere euskal gizartearen kontsentsu handiena duen eskakizunari, ETak hiltzeari uztea, alegia. Inork ez dio uko egingo eskua luzatzeari, baina ausardia izan behar dute, indarkeriaren bidea behin-betirako arbuizatzeko.

EDITORIALA

## egin

## Konplexutasunak

'Pakito', 'Txelis' eta 'Fitiren' atxilotetak sortutako asaldut bi-

zia ez al da izango ezaugarri horietako garaipena zein iragan-korra den ikusteko traba, ez behintzat mezuhartzaileek seguraski bide zuzenean bideratutako gogoeta lineei atzera egin erazterainokoa. Bide zuzentzat joko dugu ETaren azken komunikatuaren arabera, erakunde armatuak elkarriketarako prest dagoela dioten indar berberekin, inola ere ez diola uko egingo elkarriketa hori Espainiako Estatuko ordezkarietara egindako 'benetako negoziatzaile' sarbidea izaterari.

J. IRATZAR

EDITORIALA

## ZUZENDARIARI

## Negoiazioa eskatzea bakea eskatzea da

Azkeneko hilabeteotan, ETari buruz sortutako hainbat sumintasan, ez da ziur asko inoiz eman Euskalerrian. Izan ere, gure Herriak, gogorkeriaren zale ez izan arren, zuzentasuna maite du eta askatasunaren egarri da. Komunikabideak gehienetan behintzat, alderdi bakar baten oinazea agertzen digu. Borroka armatuaren lehen helburua, Euskadi, bere askatasuna eta Estaturik aske izatea delarik, herria, 'ez bai ez' zalantza handian uzten du egoera honek.

Guzti hontatik dator 'zatiketa'. Batetik, Estatutuarekin ados dagoen jendea eta bestetik Independentzia aldarrikatzen dutenak.

Partidu gehienak jakin badakite 'Konstituzioaren' barruan, Herri eskubide hau ezin lor daitekeela, baina ondo jakin arren, herriari ez diote egia esaten eta hortik sortzen dira zalantzak eta gatazkak.

Bitartean, ETak bere gogorkeriarekin jarraitzen du, etsi ezinezko S.O.S. bidali (une batzuetan batez ere) egoera honekin bukatu nahian, beren borrokaren helburu nagusia, haseran zen berdina dela argi utzi nahian eta Negoiazioa dela borrokaren bukaera lortzeko bide bakarra adieraziz.

Egoera honen aurrean, politiko, komunikabide 'Bake zeinu' eta gainerakoak, 'poliziaren bakera' deitzen gaituzte, hau izanik beren erantzun bakarra. Tamalgarria benetan!

Guk, kristau talde bezala, borroka armatuarekin bukatu daitekeela eta bukatu behar dela adierazi nahi dugu eta negoziatzaile bidez bakea lor daitekeela ohiukatu behar dugu, borroka armatuarekin bukatzea nahi dugun kristau bakoitzak eta guztiok.

Hildakorik gehiago ez!

Torturatik gehiago ez!

KRISTAU ELKARTE HERRITARRA  
Donostia

## Ez solidario, ez gizatiak jarrerak

Pertsona batzuk *ezgizatiak* jarrera agertzen dute taldearen helburuak edo interesak beraien interes propioen menpe jartzen dituztenean, edota, besteen ahaleginaz barre gogotik egin guran ondo pasatzeko gai direnean. Lerro hauek honelako ekintzak salatu eta bide batez gogoeta gune izan nahi dute.

Larunbatean, Martxoak 21, Almen az-

pian, Ederlan parean dagoen eta birrantomatu berria den negutegia apurteko gai izan zen norbait.

Arazoa, berez larria izanik ere, kasu honetan areagotua gertatzen da, guraso, irakasle, laguntzaile eta batez ere ikasle askoren elkarlanaren fruitua baita negutegia.

Beraien asti denboratik makina bat ordu eman diote lan honi. Aipagarria deritzot, jaiegundetan ere, ilusioz beterik ikasle hauek etortzeari, urtean zehar mimoz zindutako landareak ureztatzera.

Batasun ahalegin hau zantzetako esku-biderik ez dagoela iruditzen zait, are gutxiago ikastolako proiektuen programak bulzatura, OHOk ikasleei ikasketak era praktikoa-aktiboan osatzera zuzenduta dagoenean.

Bestalde, *errespetu, solidaritate, ardura* eta *konprometzu* baloretan jarrerak lantzeko dugun kezka eta bide honetan egiten dugun ahaleginari ez diete batere onik egiten horrelako gertakariak.

Lehenengo aldia ez dela kontutan izanik, *ekintza ez solidario, ez gizatiar* hauek salatzen erabili nahi dut oharra, aurrerantzean horrelakorik gertatuko ez zaigun esperantzaz.

M.H.

Eskoriatza (Gipuzkoa)

## GAIA JARRITA



## Bidarteko atxiloketa

Artapalo eta Fiti ta Txelis, izan da kolpe bortitza askoren ustez moztu daiteke biolentziaren gaitza; baina atzetik berrehun bat mila abertzalek dute hitza. Pake eskean gabiltza baina hortako baldintza (Bis) buruzagien atxiloketa izan daiteke murrizta poliziaren ekintza hutsak ez ote du horren giltza?

ANTTON KAZABON

## Egunkaria

Batzorde Parekidea: 72564 E / Lege Gordailua: SS 800/90

Administrazio Kontseiluko Lehendakaria:  
MARTIN UGALDE

Kontseilu Editorialeko Lehendakaria:  
JOAN MARI TORREALDAI

Kontseilari Ordezkarria: JOXE MIEL ZUMALABE

Gerentea: FERMIN LAZKANO

Zuzendaria: PELLO ZUBIRIA

Zuzendariordeak:  
LUZIE EITXEHARRERA, INAKI URIA

Sustapena: NEREA AZURMENDI

Publizitatea: KORNELIO ROTETA

HELBIDEAK

Erredakzio eta Tailerra: ANTZA S.A. Industrialdea 01-02  
Pabilioak / 20160 Lasarte-Oria / ☎: 37 15 45 / Faxa: 36 54 93

Egoitza soziala, Publizitatea eta Administrazioa: Antso  
Jakituna, 16-1. / 20010 Donostia / ☎ 46 90 22 / Faxa: 45 59 57

Araba: San Antonio, 20-1. ezker. / 01005 Gasteiz / ☎ 23 38 72 /  
Faxa: 23 38 73

Nafarroa: Iratxe Monastegia, 45-13. esk. / (Irrintzi dorrea) /  
31011 Iruñea / ☎: 17 80 78 / Faxa: 17 80 77

Bizkaia: Barroeta Aldamar, 2-1. eskua. / 48002 Bilbo /  
☎: 423 90 62 / Faxa: 423 94 60

Lapurdi / Nafarroa Beherea / Zuberoa: 2, Galuperia kaia.  
/ 64100 Baiona / ☎: 59 59 35 75 / Faxa: 59 25 75 11